

DESIDERATA

(Tekst je 1692. godine pronađen u crkvi sv. Pavla u Baltimoru)

Hodaj smireno.

Idi smireno kroz buku i užurbanost i sjeti se mira koji se može naći u tišini. Koliko je to moguće budi u dobrim odnosima sa svim ljudima.

Govori svoju istinu smireno i jasno, i slušaj druge, čak i glupe i neuke – i oni imaju svoju priču. Izbjegavaj bučne i agresivne osobe, one su teret duhu.

Ako uspoređuješ sebe s drugima, možeš postati ogorčen ili ponosan, jer uvijek će biti većih i manjih od tebe.

Raduj se svojim dostignućima kao i svojim planovima.

Održi entuzijizam za svoj vlastiti poziv, ma koliko on bio skroman, to je pravo blago u promjenjivim vremenima.

Budi obazriv u svojim poslovima, jer svijet je pun egoizma.

Budi ono što jesi – budi svoj.

Pogotovo nemoj glumiti ljubav. No, nemoj biti ni kritičan prema ljubavi jer, usprkos svojoj ograničenosti i svim razočaranjima, ona je vječna kao trava.

Spokojno primi iskustvo godina, skladno napuštajući stvari iz mladosti.

Gaji duhovnu snagu da te štiti od iznenadne nesreće.

Ne žalosti sam sebe izmišljotinama. Mnoga strahovanja nastaju iz umora i usamljenosti.

Osim održavanja zdrave discipline, budi prema sebi blag.

Ti si dijete svemira, ništa manje nego što su drveće i zvijezde. Imaš pravo biti ovdje, bilo ti to jasno ili ne.

Nema sumnje da se svemir razvija kao što bi trebalo. Dakle budi u miru s Bogom, ma kako da ga zamišljaš.

I, bez obzira kakav ti je posao i kakve imaš aspiracije, u bučnom komešanju života zadrži mir u svojoj duši. Pored sve prljavštine i jadikovanja i porušenih snova, ovo je ipak divan svijet. Budi pažljiv. Teži da budeš sretan.